

BOSNA I HERCEGOVINA
FEDERACIJA BOSNE I HERCEGOVINE
JAVNO PREDUZEĆE
NACIONALNI PARK „UNA“ d.o.o.
Broj: 01- 0039/23
Bihać, 09.01.2023. godine

Na osnovu člana 70. stav 1., 3. i 6. a u vezi sa članom 64. stav (1) tačka b Zakona o javnim nabavkama („Sl. glasnik BiH“, broj: 39/14 i 59/22) i preporuke Komisije date u Zapisniku o pregledu i ocjeni ponuda broj: 01- 0037/23 od 06.01.2023. godine, Ugovorni organ-direktor JP Nacionalni park „Una“ d.o.o. Bihać *donosi*

ODLUKU
O
IZBORU NAJPOVOLJNIJEG PONUĐAČA

I

Prihvata se Preporuka Komisije za javne nabavke data u Zapisniku o pregledu i ocjeni ponuda broj: 01- 0037/23 od 06.01.2023. godine te se **ugovor o nabavci i ugradnji solarne rasvjete u sklopu projekta: „Unaprijeđenje korištenja energije zamjenom rasvjetnih tijela u Kulen Vakufu sa solarnom javnom rasvjetom“**, dodjeljuje ponuđaču „**TESLALUKS“ d.o.o. Sarajevo** za ponuđenu cijenu u iznosu od **42.734,99 KM-bez PDV**, prema Ponudi broj: 01-0034/23 predanoj dana 06.01.2023. godine u 08:40 sati.

II

Izabrani ponuđač je dužan dostaviti dokaze o kvalificiranosti, u pogledu lične sposobnosti, u roku od 5 dana od dana zaprimanja obavještenja o rezultatima ovog postupka javne nabavke.

III

Ugovor o nabavci roba dostavit će se na potpis izabranom ponuđaču iz tačke I ove Odluke, po proteku roka od 15 dana, računajući od dana kada je ponuđač obaviješten o izboru najpovoljnije ponude.

IV

Ova odluka će se dostaviti ponuđaču koji je učestvovao u postupku javne nabavke te objaviti na web stranici JP Nacionalni park „Una“ d.o.o. Bihać.

Obrazloženje:

Komisija za nabavku je postupajući po datim ovlaštenjima, na otvorenom sastanku na kojem je izvršeno javno otvaranje ponuda, održanom dana 06.01.2023. godine u 12,00 sati, konstatovala da je do krajnjeg datuma za predaju ponuda, 06.01.2023. godine do 11,30 sati, blagovremeno pristigla ponuda sljedećeg ponuđača:

1. „TESLALUKS“ d.o.o. Sarajevo (Ponuda broj: 01- 0034/23 predana dana 06.01.2023. godine u 08:40 sati);

Komisija konstatuje da neblagovremeno pristiglih ponuda nema te da ostala zainteresirana lica koja su preuzela tendersku dokumentaciju, nisu predali svoje ponude.

Na zatvorenom sastanku koji je održan istog dana 06.01.2023. godine, Komisija je analizirajući priloženu dokumentaciju uz ponudu te provjerom njenog suštinskog sadržaja i validnosti, utvrdila da je ponuđač „TESLALUKS“ d.o.o. Sarajevo kvalificiran, i da sadržaj ponude i način pripreme ponude navedenog ponuđača odgovara svim uvjetima definiranim Tenderskom dokumentacijom broj: 01- 3754/22 od 16.12.2022. godine.

Nakon toga Komisija je utvrdila financijsku vrijednost ponude kvalificiranog ponuđača bez uračunatog PDV-a kako slijedi:

R/b	PONUĐAČ:	IZNOS PONUDE bez PDV (KM):	POPUST	IZNOS PONUDE SA POPUSTOM (KM):
01.	„TESLALUKS“ d.o.o. Sarajevo	42.734,99 KM- bez PDV-a	-	-

Kriterij za ocijenu ponuda kvalificiranih ponuđača koji je utvrđen tenderskom dokumentacijom je najniža cijena.

Nadalje, Komisija je konstatovala da vrijednost javne nabavke po procjeni ugovornog organa iznosi: **42.735,05 KM bez PDV-a.**

To su sredstva planirana Programom rada i Financijskim planom JP Nacionalni park „Una“ d.o.o. Bihać za 2022. godinu – Rashodi pod rednim brojem 4.2.

Cijeneći navedeno, Komisija za nabavku je utvrdila da se cijena kvalificiranog ponuđača „TESLALUKS“ d.o.o. Sarajevo nalazi u okvirima procijenjene vrijednosti javne nabavke.

Obzirom da je pristigla samo jedna prihvatljiva ponuda, u skladu sa članom 3. stav (3) Pravilnika o uslovima i načinu korištenja E-aukcije („Službeni glasnik BiH“, broj: 66/16), E-aukcija se ne može zakazati, te će se postupak završiti zaključenjem ugovora o javnoj nabavci ili poništenjem postupka javne nabavke sukladno članu 69. stav (1) pod a) i b) Zakona o javnim nabavkama.

Na osnovu svega gore navedenog i preporuke Komisije date u Zapisniku o pregledu i ocjeni ponuda broj: 01- 0037/23 od 06.01.2023. godine, Ugovorni organ donosi ovu Odluku o izboru najpovoljnijeg ponuđača „TESLALUKS“ d.o.o. Sarajevo za nabavku i ugradnju solarne rasvjete u sklopu projekta: „Unaprijeđenje korištenja energije zamjenom rasvjetnih tijela u Kulen Vakufu sa solarnom javnom rasvjetom“ za ponuđenu cijenu u iznosu od **42.734,99 KM- bez PDV.**

Izabrani ponuđač je dužan dostaviti dokaze o kvalificiranosti, u pogledu lične sposobnosti u roku od 5 (pet) dana od dana zaprimanja obavještenja o rezultatima ovog postupka javne nabavke, i to sljedeće:

1. Lična sposobnost:

- a) uvjerenje nadležnog suda kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca; **NAPOMENA: U smislu odredbi člana 45. stav (1) tačka a), u vezi sa stavom (2) tačka a) iste odredbe Zakona dostavljaju se dva uvjerenja i to: Uvjerenje Suda BiH i Uvjerenje Suda prema sjedištu pravnog lica, odnosno kandidata/ponuđača.**

- b) uvjerenje nadležnog suda ili organa uprave kod kojeg je registriran ponuđač kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti;
- c) uvjerenja nadležnih institucija kojim se potvrđuje da je kandidat/ponuđač izmirio dospjele obaveze, a koje se odnose na doprinose za penziono i invalidsko osiguranje i zdravstveno osiguranje;
- d) uvjerenja nadležnih institucija da je kandidat/ponuđač izmirio dospjele obaveze u vezi s plaćanjem direktnih i indirektnih poreza.

Izabrani ponuđač je dužan dostaviti navedena uvjerenja u originalu ili ovjerenoj kopiji od strane nadležnog organa.

Uvjerenja koja je izabrani ponuđač dužan dostaviti ne smiju biti starija od tri mjeseca računajući od dana dostave ponude, u protivnom će se smatrati da je dao lažnu izjavu. Dokaze o ispunjavanju uslova je dužan dostaviti u roku od 5 dana, od dana zaprimanja obavještenja o rezultatima ovog postupka javne nabavke.

Iz navedenih razloga, primjenom člana 64. stava 1. tačka b. Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba Ugovornom organu u pisanoj formi direktno, elektronskim putem ili preporučenom poštanskom pošiljkom u roku od 10 (deset) dana od dana prijema ove odluke.



v.d. Direktor

Amarildo Mulić

Dostaviti:

1. „TESLALUKS“ d.o.o. Sarajevo, ul. Milana Preloga 12A/III, 71 000 Sarajevo;
2. Komisiji- u spis;
3. a/a.